

SWAHILI *AB INITIO* – STANDARD LEVEL – PAPER 1
SOUAHÉLI *AB INITIO* – NIVEAU MOYEN – ÉPREUVE 1
SUAHELÍ *AB INITIO* – NIVEL MEDIO – PRUEBA 1

Monday 6 May 2002 (morning)
Lundi 6 mai 2002 (matin)
Lunes 6 de mayo de 2002 (mañana)

1 h 30 m

TEXT BOOKLET – INSTRUCTIONS TO CANDIDATES

- Do not open this booklet until instructed to do so.
- This booklet contains all of the texts required for Paper 1 (Text handling).
- Answer the questions in the Question and Answer Booklet provided.

LIVRET DE TEXTES – INSTRUCTIONS DESTINÉES AUX CANDIDATS

- Ne pas ouvrir ce livret avant d’y être autorisé.
- Ce livret contient tous les textes nécessaires à l’épreuve 1 (Lecture interactive).
- Répondre à toutes les questions dans le livret de questions et réponses.

CUADERNO DE TEXTOS – INSTRUCCIONES PARA LOS ALUMNOS

- No abra este cuaderno hasta que se lo autoricen.
- Este cuaderno contiene todos los textos requeridos para la Prueba 1 (Manejo y comprensión de textos).
- Conteste todas las preguntas en el cuaderno de preguntas y respuestas.

Blank page
Página en blanco
Page vierge

KIFUNGU A

Barua ya Maombi

Wanjiru Kamau,
S.L.P. 523,
Nyeri.
12 Februari, 2001

Bi Sara Otieno,
Shule ya Darajani,
S.L.P. 123,
Nyeri.

Mpendwa Mwalimu,

Nimepata habari kuwa babangu ni mgonjwa huko mjini Nairobi.
Habari hii ililetwa jana usiku.

Mamangu pamoja na ndugu zangu wadogo wataondoka leo kwenda huko Nairobi.

Tafadhali nipe ruhusa ya kwenda Nairobi pamoja na mama. Nataraji kurudi shule keshokutwa.

Ahsante sana.

Mwanafunzi wako mwaminifu,


Wanjiru Kamau.

KIFUNGU B

Albamu ya Picha na Kumbukumbu

Likizo iliyopita mimi na rafiki zangu tulitembelea sehemu mbalimbali. Hiki ni kitabu cha picha na cha kumbukumbu ya safari hiyo.


Siku za wiki tuliogelea na wakati mwingine tulitembeatembea tu sehemu za pwani huko Zanzibar.




Lakini vilevile tulifanya michezo mingi, hasa michezo ya kukimbia na mazoezi mbalimbali ya mwili ili kujenga na kulinda afya zetu.



Kila jioni, baada ya matembezi na baada ya michezo tulioga na kuvaa vizuri halafu tulikula chakula kitamu na kunywa maji ya matunda mbalimbali.





Mara kwa mara, baada ya chakula cha jioni tulipumzika kidogo halafu baadaye tulicheza muziki na kufurahi sana, hasa wakati wa wikiendi.


Pia tulitembelea sehemu maarufu na kujionea wenyewe majumba mbalimbali. Tulishindana kuvaa nguo nzuri na tulipitapita mjini kwenye watu wengi.

Hatimaye, kila mmoja wetu alirudi chumbani kwake hotelini kulala usingizi mzuri na kujiandaa kwa siku iliyofuatia. Hii ilikuwa safari nzuri sana kwa sababu tulisafiri baada ya mitihani yetu. Natumaini mwaka kesho nitapata nafasi tena ya kusafiri.

KIFUNGU C

Ngoma ya ajabu


1. Mwaka mmoja mvua ilichelewa kunyesha. Majani yote yalikauka pale mjini kwa kobe.




2. Baada ya safari ndefu aliona mwembe mmoja. Alikwenda mpaka karibu yake. Alipotazama juu, aliona maembe matatu mabivu.




3. Aliyachuma maembe. Lakini alipotaremka chini, hakuyaona. Chini ya mwembe aliona shimo.



4. Shimoni kobe aliona giza sana. Mara taa ikawaka ndani ya shimo. Akaona vijitu vitatu vimekaa. Kimoja kilikuwa kimebeba ngoma.




5. Kobe alichukua ngoma mpaka nyumbani kwake. Alipoipiga, vyakula vingi vilitoka. Wanyama wengi walikuja.



6. Kila siku kobe alipiga ngoma. Vyakula vilitoka na wanyama walikuja kula. Siku moja ngoma ilipasuka na vyakula havikutoka tena. Wanyama walikasirika.



7. Kobe alirudi tena kwa wale vijlto. Alitafuta maembe mabivu hakupata. Alipata embe moja tu bichi.



8. Alipoingia ndani, kobe alivikuta tena vile vijitu vitatu. Kimoja kilikuwa kimekamata lile embe la kobe.



9. Kobe alirudi mjini kwa haraka. Aliwakuta wanyama wengi njiani wanangoja.



10. Kobe aliiweka ngoma chini. Alipoipiga mwanzo, vyakula havikutoka. Akapiga mara ya pili. Lo! Walitoka nyuki wengi sana. Kobe alirusha ngoma kando.



11. Wanyama walisahau njaa, wakakimbia kila upande. Nyuki waliwafukuza na kuwauma. Kobe peke yake hakupatikana na nyuki.



12. Baada ya nyuki kuondoka, wanyama walirudi tena kwa kobe. Walikisirika sana.



KIFUNGU D

SIKU KUMI ZA MGENI

- 1 Mgeni siku ya kwanza
Mpe mchuzi na wali
Tia katika sahani
Mkaribishe mgeni.



- 2 Mgeni siku ya pili
Mpe sima ya ugali
Umpe lile na hili
Umuongeze mgeni.



- 3 Mgeni siku ya tatu
Nyumbani hamna kitu
Ni chakula kichache tu
Pika ule na mgeni.



- 4 Mgeni siku ya nne
Mpe jembe akalime
Akirudi muagane
Aende kwao mgeni.



- 5 Mgeni siku ya tano
Mwembamba kama sindano
Nyumbani ni minong'ono
Asemwa yeye mgeni.



- 6 Mgeni siku ya sita
Mkila mnajificha
Uvunguni mwajificha
Afichwa yeye mgeni.



- 7 Mgeni siku ya saba
"Njoo nje tuagane!"
Akitoka humo ndani
"Kwaheri nenda mgeni!"



- 8 Siku za nane na tisa
"Nenda we mgeni, nenda!"
Usirudi tena ndani!
Usirudi ee mgeni!"



- 9 Mgeni siku ya kumi
Kwa mateke na magumi
Afukuzwaye ni nani?
Afukuzwaye ni mgeni.



KIFUNGU D



CHUO CHA UFUNDI – VETA DAR ES SALAAM

Kwa sababu vijana wengi wanapomaliza shule hawapati kazi haraka, Chuo cha Ufundi cha Dar es Salaam kinatoa mafunzo yanayowasaidia vijana kama hao. Chuo kimeanzisha mafunzo ya muda mfupi na muda mrefu. Kwa sasa kinatoa mafunzo hayo katika nyanja mbalimbali, pamoja na:

Kutengeneza batiki, Kuandaa vyakula mbalimbali, Mafunzo ya uuzaji wa bidhaa, Lugha ya Kiingereza, Useremala, Umeme, Ufundi wa magari, Kompyuta, Utengenezaji wa nywele, Udereva, Uashi, Uchoraji na uandishi wa matangazo, Utangazaji wa biashara.

Kwa maelezo zaidi wasiliana na:

Mkuu wa Chuo, VETA Dar es Salaam

S.L.P. 40274

Simu: 022 2862652 / 2862583

Faksi: 022 2862651

Jiunge na chuo chetu ufanikiwe katika maisha. Njoo usome katika mazingira mazuri ya kuvutia, na waalimu wazuri sana
Walio na ujuzi mkubwa wa masomo yao.